

獲鹿縣志

671.1335
078
16

鹿縣志卷之十二

人物志

河嶽秀靈之氣萃於物者爲奇材萃於人者爲奇傑士君子德行道義譽滿一鄉此入爲名儒者卽出爲名臣也況鹿泉自五代以來賢才輩出或表忠貞之節或馳孝義之名或擅文章之美或儲武備之才他如隱逸流寓諸賢山林嘯傲旅館羈棲落落英姿亦足增史乘光焉甚或有松齡益竿瑞輯青編柏操流芳褒榮彤管予嘗網羅散失博採見聞仿諸史例各爲表揚不敢遺亦不敢濫耳至宋太

宗時以戰功著者則又添宦官一類並垂不朽作人物志

鄉賢

五代

史圭

明敏好學爲晉寧樂壽令有善政邑人立碑頌之
晉高祖召遷吏部侍郎分知銓事有能名以疾卒

宋

賈昌朝

字子明隸從曾孫天禧初正宗嘗祈穀南郊昌朝
獻頌路左召試賜同進士出身王晉陵簿賜對便
殿除國子監說書孫奭判監稱昌朝講說有師法
及夷侍讀禁中以老辭薦昌朝自代召試中書上
言禮母之諱不出宮闈今章獻太后服除猶諱其
父名非尊宗廟也詔從之景祐中置崇政殿說書
昌朝誦說明白帝多所質問昌朝請紀錄以對賜
名邇英延義記注加直集賢院太平興國寺災且

夕大雨震雷廷議修復昌朝言易震之象日海雷震君子以恐懼修省近年寺觀屢災此殆天所示警可勿繕治以示畏天愛人之意西域僧獻佛骨銅象昌朝請加賜遣還毋以所獻示中外帝悉從之累遷右諫議大夫權御史中丞兼判國子監議者欲以金繒啗契丹使攻元昊昌朝曰契丹有功則責報無窮矣力止之乃上備邊六事多施行之又請度經費罷不急歲所省緡錢百萬慶厯三年拜參知政事充樞密使尋拜同中書門下平章事集賢殿大學士仍建樞密使元昊歸石元孫議賜死昌朝曰自古將帥被執歸者多不死元孫由是得免詔有司議升祔奉慈廟三后有司論不一昌朝曰章獻母儀天下章懿誕育聖躬宜如祥符升祔元德皇后故事章惠於陛下有慈保之恩當別享奉慈廟如故從之七年春旱帝避殿減膳昌朝引漢災異冊免三公故事上表乞罷遂除武勝軍節度使判大名厯鎮鄭州許州請修河故道救民水災全活甚衆英宗治平元年以侍中守許州力

元

辭弗許明年以疾留京師迺以左僕射觀文殿大學士判尙書省卒諡曰文元御書墓碑曰大儒元老之碑所著羣經音辨通紀

時令奏議文集百二十二卷

賈居貞

字仲明初爲行臺從事世祖在潛邸知其賢召用之授中書左右司郎中從帝北征每陳說資治通鑑雖在軍中未嘗廢書一日帝問郎俸幾何居貞以數對帝嫌其薄勅增之居貞辭曰品秩宜然不可以臣而紊制劉秉忠奏居貞爲參知政事又辭曰他日必有由郎官援例求執政者將何以處不拜時阿合馬擅權忌之改給事中同丞相史天澤等纂修國史十二年阿里海涯取江陵以居貞簽行省事留鄂於是發倉廩賑流亡宋宗室子孫流寓者廩食之時東南未平州郡商旅留滯者給引遣歸免詔商稅并湖荻禁造舟數百艘駕以水軍不至病民一方安之十四年拜湖北宣慰使命未下居貞閉門不出而驕將悍卒合謀擾民乃復出視事人情以無恐及行鄂老幼號送刻像祀之十

五年遷江西行省參知政事未至民千里迎迓時
逮捕民間受宋二王文帖者甚急坐繫巨室有
餘人居貞至悉出之投其文帖於火士卒有挾兵
入民家誣爲藏匿以取財及子女者悉繩以法以
疾卒於位追

封定國公

史天澤

字潤甫天倪弟太祖時從其兄以帳前總領治正
定天倪遣護送其母歸北京旣而天倪爲武仙所
害天澤毅然曰兄弟之讎義所當復退關軍國之
大事乎雖死我猶甘之師傾貲裝易甲仗南還引
兵擊武仙且請濟師承制命紹兄職爲都元帥傳
笑乃解副以蒙古兵三千又會兄天安谷勢進戰
大敗之仙奔雙門遂復正定旋又爲武仙襲據天
澤以銳卒夜入仙遁去笑乃解怒民從賊驅萬餘
人將斬之天澤曰是皆吾民但爲賊所脅耳殺之
何罪力爭得釋乃繕城壁立樓櫓爲不爾他之計
招集流散存恤困窮民得休息世祖時拜左丞相
允多經濟偉畧卒贈太尉果贈太師進封鎮陽立

廟諡忠武世以比

郭子儀曹彬云

高 隲

至元間補國子伴讀嘗作太行書院立靜修祠以
延生徒誨子弟講道其中而從遊日衆子禧治春
秋爲河東

廉訪司

王思廉

幼師太原元好問至元十年授符寶局掌書十三
年姚樞舉爲昭文館待制尋改翰林待制嘗進讀
通鑑至唐太宗有殺魏徵語及長孫皇后進諫帝
命內官引至皇后閣講衍其說后曰是誠有益宸
衷爾宜擇善言進講慎勿以瀆辭煩上聽也裕宗
居東宮思廉進曰殿下庶中宜建學官俾左右近
侍常親正學必能裨輔明德裕宗然之藩王乃顏
叛帝親征思廉間謂留守段貞曰藩王反側地大
故也漢晁錯削地之策實爲良圖蓋爲上言之實
見帝以問帝曰汝何能出是言也貞以思廉對帝
嘉之遷正議大夫樞密院判官成宗卽位進翰林
學士以請歸起爲工部尚書歷翰林學士承旨致

仕卒諡
文恭

明

任

雍

甘子里人永樂時以明經舉進士任陝西延安府中部縣令有善政邑人德之以疾歸壽八十四卒

鹿之甲第自雍始永康王命

為立黃甲開先坊見建置志

石

鳳

性鯁介敦樸宏治舉進士歷賓至知府囊無餘貲解官歸舊業一如寒士時無所增益在任常艤舟

江中值冤獄一訊立

得罪狀郡守嘉之

盧天錫

性樸實寡言笑窮約守志雖貧無儲粟不肯事干謁兩任教職生徒仰重餘見隱逸列傳

曹時聘

韓國瓚傳

廣靈人

少司空曹公諱時聘字希尹號嗣山隆慶庚午舉大辛未進士任總理河漕提督驛務都察院都御史工

部右侍郎其先巡撫應天閩人闢礦增稅蠹國害民公抗疏直陳拯民塗炭吳人德之祀公於茅山及歷南兵北戶曹郎出守臨洮爲墨撫所劾逮問事白起守鳳陽值歲饑設法賑濟多所全活擢山東副憲而濟寧諸宿役立破民產者一旦震洗甚爲印川潘先生推重陞任徐州兵備與當事爭河議省興作鉅萬遂有總河之命初視事閱工周度具悉機宜於泃溶淺溜堅石堰以身程督刻期竣工漕艘銜尾而濟於贊塞蘇莊決口乘力共挑自朱旺口以達小浮橋延袤百七十里而百餘年間開塞無常之故道一朝全復其先黃河南徙徐邳之流幾斷修補之需歲費累萬公乃節縮鎔銖與丁卒同勞苦風餐露宿歷盡艱辛始集事時公丁太夫人憂去天子問黃泃事宜公疏對鑿鑿以治河比之治兵以所條列隄守十事下所司舉行湯賓尹所稱黃治則泃治泃治則漕可無虞余攷曹公設施奏議誠先後治河者之宗也厥功偉哉因採其疏稿入文翰

崔應麒

編修
張烈傳

少司馬崔公諱應麒字獻可獲鹿人少時與郃邑趙忠毅公同學恆山講堂隆慶五年舉進士歷五臺濰縣汲縣知縣有聲遷戶部主事歷郎中出知濟南治行最遷河南按察副使帑汝洛饑民相聚爲盜公練兵飭備部中獨無恐賊掠魯山竇農率衆往擊之賊大潰不敢復近其境時民饑甚草木皆盡從澤中爭啖雁糞公囊二升急控御史御史陳登雲以聞獲賑全活無算又鑿汝水灌鹵地得良田數千頃汝民建祠渠上祀焉遷陝西督糧參政邊餉宗祿向皆徇私請爲輕重公一切均給咸大喜進四川右布政使時播地初定議令新舊占籍者各輸直以充建置城舍之費有司利其膏潤嚴刑迫之人將譁而楊應龍遺黨吳洪者因而煽之陰結安疆臣聚衆數千爲亂總督王象乾聞變呼公策可使定亂者某某皆不稱卒日無如子者子爲我行需兵幾何公曰播厭亂久矣有司失於撫綏奸人乘隙黨與未多今以兵在民必

駭竄是驅之叛而樹其黨也但宜速往撫之遂單騎
往馳檄諭之先是播中傳大將軍重兵至矣盡驚遁
山林至是捧檄泣比公至亂者散過半吳洪走公檄
責安疆臣斬之於是問民疾苦知爲田價所迫乃上
議督府曰播土田直蓋爲善後計也乃今日之民情
事勢則意料所不及者前經桐梓遵義聚萬五百里
棲址之卑陋莫蔽風雨服食之麤糲下同犬彘故土
舊民流離日久房室灰燼與轉徙人戶不殊卽四方
負耒而來者裸身赤手原無厚實一旦責之三四十
金何從而辦欲去而原籍無家欲留而資身無計進
退兩難愈增多故耳盡蠲除便督府允之旣而訪知
轉餉之苦先是征播時兵食轉自重慶一人轉餉數
人荷糗隨之一人疾諸人坐糜糗糧俱槁死於路不
則歸復辦數人糧以齎而噬於虎豹隕於崖谷鮮全
歸者公曰曩不得已耳今何爲乎改重慶輸折色就
近平糴糴溢十之三民獲安堵於是督府念東南旣
定詢可任保障者莫肯往復以屬公薦進左布政使
管義道事至則築城堡建驛舍立學校置屯田給

牛種招流移視險要周民隱窮山鳥道足跡皆至爲瘡所侵幾不起督府憫之令出綦江調理公不可曰死一也綦江與播何異恐一出而播民失恃復亂也未幾有清界之事播之南偏東西六百里亘八十里皆沃壤安疆臣乘楊應龍亂而竊據之播平總督李化龍定其地參將劉勝成焉化龍去勝受疆臣賄棄地與之疆臣令安順臣據守公按其地足遵義之半烏江峭險可以制敵不當棄而疆臣固爭御史李時華主之會安順臣懼疆臣好殺率衆歸附時華以勾敵敗釁劾公吏部稱應麒清望素著姑離任聽勘旣而化龍言棄地非便象乾上疏力爲訟冤而時華亦覈公功以聞復起隴右道平礦徒有功旋以右副都御史巡撫陝西是時礦稅病民秦稅甲天下公請罷稅賑饑允減三之一復屢疏求減額不報公知中官信浮屠乃數遺稅使書論業緣輪迴之說令自爲疏減詔從稅使議遂免逋欠數萬擒獬獍爲剽掠者數百人民賴以安至邊將喜事則諭之曰吾在隴數攝邊道知此稔矣今大將所將不數萬人且沿邊乘障

苦乏隔歲糧欲於此堞殘卒竊孤旅田父爲功敵報復戕殺慘不忍聞以此薦廟場休爲子孫世世業吾不爲也其繕牆堡利器械明烽燧遠斥埃謹守禦之而已紅水溝聞警親督兵大創之邊事綏靖陞兵部右侍郎復以平播功進一級未幾舊瘴毒病發告歸家居四年卒公爲人沈默廉直義所當爲不避勞怨知濰縣時寬逋賦株累者令民復業以此奪俸三年鬻產自給清藩地予民推官持之終不屈潯陽關蠹役皆强有力者爲之官不敢齟齬公至一時斥百餘人以持已無瑕卒亦無患用兵有奇畧所在成功歸田日憫幅無倨容望里門則下車野叟老嫗見之喜謂曰汝來耶公趨前揖之問寒暄或將過故人家邨中婦子相與遲於途意必車馬赫如已而一老人角巾素袍駕犢車而至待者已久問崔巡撫不果來耶有識者曰此是也於是羣歎其儉樸云

國朝

魏鳳

當湖陸隴其稼書撰

字離伯又字陽伯其先山右洪洞人明永樂中始祖
成甫公乃遷獲鹿公嗜讀書穎悟非常幼襲其伯知
節殉難蔭順治戊子登賢書戊戌成進士庚子謁選
得江右新建先是以錢糧被累羈候者五令公下車
卽爲出結縱令還五令曰我等去獨累公矣公曰毋
徒自苦吾以一身當則公等可悉免豈不愈於同死
乎五令皆泣拜去新建當省會衝繁之區國鼎初定
人心未安三藩跋扈軍興旁午諸上官皆同城公外
供郵驛內禮督撫每日昃猶不遑食秉燭後乃得理
縣事而積玩旣久難以催科兵荒之餘盜賊竊發公
奮然策勵謂盤根錯節乃別利器十年間民安盜戢
弊剔糧清臺使交薦稱爲疲邑健令以卓異膺行取
擢御史第一康熙十二年試四川道監察御史巡視
北城提綱振紀多所建白未及瓜特差巡按兩淮鹽
政題蠲湖南江西等郡逋課數十萬剔蠹釐弊一年
報滿嗣以江南道稽察崇文稅課不以一毫指染鼎

計五年中章奏無虛日而西臺諸疏載在史館八疏
德如請修經書大全一疏大關教化慎刑明條一疏
著爲令典其所矜慎全活者不少戊午詔舉博學鴻
詞公特薦杜悅袁佑崔如岳等十餘人皆文行兼優
之士尋爲督捕理事官洗冤察復多所平反二十一
年爲大理寺少卿奉命告祭炎帝虞帝二陵遠涉湖
湘輅車所至采風作賦有南征紀畧行世復命道出
故里以兩大人春秋高欲求終養兩大人趨之出曰
事君卽事親耳公勉赴補無何相繼考終公哀毀跣
奔喪祭盡禮公有三弟悉以父產鼎新與之曰吾已
食祿不當更贅父產也持服家居不預外事惟課子
姪及諸孫學而邑中文學有品之士亦莫不登堂請
業焉服闋再補棘寺與中州許公三禮爲同官每值
熱審共相參定多所寬宥未幾由太僕爲宗正職司
潢牒厥任甚鉅惕惕惟勤晨興趨署日中乃返食少
事煩遂以疾卒於官詔馳驛歸葬卒年六十有六○
贊曰余宰靈壽時公適居林下問遺往來不絕及厠
御史行公在宗人位愈尊矣然促膝京師每道其宰

朝廷作御史時事慷慨激烈談之不倦蓋公不以位
之尊爲可喜而惟以效力建白於國家爲得志也則
公亦今世之所少哉古大
臣匪躬之誼其庶幾矣

論曰鄉賢之稱一方俎豆定自

朝廷非里黨宗族所敢私况考其人必須經濟學問粹然無
疵方足應茲

曠典舊志史圭等十二人祇散見於人物今專立一門尊之
曰鄉賢列傳以冠人物之首云

宦績

朱

賈

琰

字季華以父緯蔭授臨淄雍邱主簿歷通判澧州
太宗尹京奏爲開封府推官加左贊善大夫卽位
超拜左正議大夫樞密直學士未幾擢三司使琰
風神峻整有吏幹佐太宗居幕府凡五年勤於其
職昆弟五人琰最幼及諸兄相繼沒琰撫循孤幼
聚族凡百口分給衣食家庭無間言士林稱之

賈

炎

字長卿昌朝子以父蔭累遷工部侍郎政和中以
顯謨閣待制知應天府徙鄆州永興初陝西行鐵
錢久幣益輕蔡京設法盡斂之更鑄夾錫錢幣稍
重京去相轉運使李諫陳敦復見所斂已多遽請
罷鑄鐵錢自關以西皆罷市民不聊生炎獨一切
弛禁聽從其便其後宣徽使童貫又以兩者重輕
相形遂盡廢陝西不得用民益以爲苦炎徙知延
安因表言錢法屢變人心愈惑今人以爲利者臣
見其害以爲是者臣見其非中產之家不過蓄夾
錫錢一二萬旣棄不用則惟有守錢而死耳邊忙
生理蕭條官又再變法卹延去敵近民殊不安民
不安則邊不可守願得內郡以養母乃命爲潁州